



ԱՌԱՋՆՈՐԴԱՐԱՆ ՀԱՅՈՑ
ՀԻՄՆԻՍԱՅԻՆ ԱՍԵՐԻԿԱՅԻ ԱՐԵՄՍՏԵԱՆ ԹԵՄԻ
WESTERN PRELACY
OF THE ARMENIAN APOSTOLIC CHURCH OF AMERICA
 Archbishop Moushegh Mardirossian, Prelate
 Tel: 818-248-7737/8, Fax: 818-248-7745, E-mail: Prelacy@aol.com



Ն.Ս.Օ.Տ.Տ. ԱՐԱՄ Ա. ԿԱԹՈՂԻԿՈՍԻՆ ՇՔԱԽՈՒՄԲԻՆ ՄԻԱՆԱԼՈՎ

ԱՌԱՋՆՈՐԴ ՍՐԲԱԶԱՆ ՀԱՅՐԸ ԿԸ ՄԱՍՆԱԿՑԻ ՀԱՅԱՍԱՆ ՍՓԻՒՔ
Գ. ԽՈՐՀՐԴԱԺՈՂՈՎԻՆ

Թեմիս բարեխնամ Առաջնորդ Բարձր. Տ. Մուշեղ Արք. Մարտիրոսեան, ընդառաջելով իրեն ուղղուած պաշտօնական հրաւերներուն, Կիրակի, 17 Սեպտեմբերի յետմիջօրէին մեկնեցաւ Մայր Հայրենիք, մասնակցելու համար Հայաստան-Սփիւռք երրորդ խորհրդաժողովին:

Առաջնորդ Սրբազանը Երեւան հասաւ Երեքշաբթի, 19 Սեպտեմբերին եւ միացաւ Մեծի Տանն Կիլիկիոյ Ս. Աթոռի գահակալ Ն.Ս.Օ.Տ.Տ. Արամ Ա. Կաթողիկոսի գլխաւորութեամբ այս խորհրդաժողովին մասնակցող Ս. Աթոռի պատուիրակութեան եւ Նորին Ս. Օծութեան շքախումբին:

Եռօրեայ խորհրդաժողովին կողքին, Առաջնորդ Սրբազանը մասնակից եղաւ Վեհափառ Հայրապետի շրջապտոյտին ու տեսակցութիւններուն, Էջմիածինի մէջ եւ այլուր:

Ան նաեւ ներկայ եղաւ Հայաստանի անկախ հանրապետութեան վերահաստատման 15-ամեակին նուիրուած հանդիսութիւններուն ու ձեռնարկներուն: Հինգշաբթի, 21 Սեպտեմբերին, անկախութեան տարեդարձին առիթով, Երեւանի Ս. Գրիգոր Լուսաւորիչ Մայր Տաճարին մէջ տեղի ունեցաւ Հանրապետական մաղթանք, որուն ներկայ եղան հոգեւոր պետեր եւ պետական դեմքեր: Առաջնորդ Սրբազանը Արամ Ա. Կաթողիկոսի շքախումբին անդամի իր հանգանակնքով ներկայ եղաւ այս արարողութեան:

Առաջնորդ Սրբազանը, Վեհափառին ընկերանալով, այցելութիւններ տուաւ Սարգարապատ, Հ.Յ.Դ. Բիւրոյի կեդրոնական գրասենեակը եւ պետական անձնաւորութիւններու, ինչպէս նաեւ ներկայ եղաւ Հայաստան-Սփիւռք խորհրդաժողովի փակման հանդիսութեան:

THE PRELATE'S VISITATIONS IN ARMENIA DURING THE THIRD ARMENIA-DIASPORA CONFERENCE

Upon official invitations extended to His Eminence, Archbishop Moushegh Mardirossian, Prelate, departed for Armenia on Sunday, September 17, 2006, to join the

entourage of His Holiness Aram I Catholicos of the Holy See of Cilicia at the third Armenia-Diaspora Conference.

Alongside the three-day forum, the Prelate accompanied His Holiness on His travels and meetings at St. Etchmiadzin and elsewhere. His Eminence also participated in celebrations and events dedicated to the 15th anniversary of Armenia's independence.

On Thursday, September 21, the Prelate joined the entourage of His Holiness at St. Gregory the Illuminator Mother Cathedral in Yerevan where special prayers were offered for the Republic of Armenia.

The Prelate also joined His Holiness as they visited public officials, the Sardarabad Monument, and the A.R.F. Bureau Central Offices, as well as participated in the closing ceremonies of the Armenia-Diaspora Conference.

Ս. ԳՐՈՑ ՍԵՐՏՈՂՈՒԹԵԱՆ ՀԱՄԱՔՆԵՐԸ ԿԸ ՎԵՐՍԿՍԻՆ

Ամառնային արձակուրդէն ետք, նոր թափով կը վերսկսին Թեմիս պատանեկանի եւ երիտասարդականի յատուկ կրօնադաստիարակչական Սուրբ Գրոց սերտողութեան պահերն ու յարակից գործունեութիւնները, հովանաւորութեամբ մեր եկեղեցիներու հոգեւոր հովիւներուն ու հոգաբարձութեանց:

Երկուշաբթի երեկոները, ժամը 7-էն սկսեալ, սերտողութիւնները տեղի կ'ունենան Փասատինայի Սուրբ Սարգիս եկեղեցւոյ մէջ, առաջնորդութեամբ Հոգշ. Տ. Պարթեւ Վրդ. Կիւլիմեանի:

Երեքշաբթի երեկոները, ժամը 7:30-էն սկսեալ, Սուրբ Գրային սերտողութիւն տեղի կ'ունենայ Կլենտէյլի Ս. Աստուածածին եկեղեցւոյ մէջ, առաջնորդութեամբ Հոգշ. Տ. Պարթեւ Վրդ. Կիւլիմեանի: Առաջին սերտողութիւնը կատարուեցաւ Երեքշաբթի, Սեպտեմբեր 19-ին:

Կազմակերպութեամբ Էնսինոյի Սրբոց Նահատակաց եկեղեցւոյ Երիտասարդաց Միաւորին, Չորեքշաբթի, 27 Սեպտեմբերի երեկոյեան պիտի սկսի կրօնադաստիարակչական հոգեւոր լսարաններու շարք մը եւ պիտի շարունակուի ամսական դրութեամբ: Դասախօսութիւնները պիտի ներկայացնեն Ազգ. Առաջնորդարանի Զրիստոնեական Դաստիարակութեան բաժանմունքի վարիչները՝ Գերպ. Տ. Միւռն Ծ. Վրդ. Ազնիկեանն ու Հոգշ. Տ. Պարթեւ Վրդ. Կիւլիմեան:

Առաջին հանդիպումին, Գերպ. Տ. Միւռն Ծ. Վրդ. Ազնիկեան պիտի ներկայացնէ «Աստուածաշունչի Բովանդակութիւնը» նիւթը: Սերտողութիւնները տեղի պիտի ունենան Էնսինոյի Սրբոց Նահատակաց եկեղեցւոյ մէջ. պիտի իրագործուի գեղարուեստական կոկիկ յայտագիր եւ հոգեւոր երգերու ներկայացում:

BIBLE STUDY CLASSES RESUME AT PRELACY PARISHES

Following summer break, Bible Study classes are once again being offered at our parishes.

On Monday evenings, beginning at 7:00 p.m., Bible study is offered at St. Sarkis Church in Pasadena by Very Rev. Fr. Barthev Gulumian.

On Tuesday evenings, Bible study is offered at St. Mary's Church in Glendale at 7:30 p.m. by Very Rev. Fr. Barthev Gulumian.

The Holy Martyrs Church and its youth group in Encino have organized a monthly spiritual lecture series, headed by Very Rev. Fathers Muron Aznikian and Barthev Gulumian. The first talk, which will take place on Wednesday, September 27, features Very Rev. Fr. Muron Aznikian speaking on the topic "The Books and Content of the Holy Scriptures".